

Et Spanien Leed Songtext

Jedes Johr em Sommer jeit dat Spillche widder loss.
Met Sack un Pack noh Spanien weil et do jo nit vill koss.
Mer fleje dann me'm Neckermann vun Wahn noh Benidorm,
do weede mer schön brung unsin su richtig jroß en Form.

**Nä Nä Marie is dat he schön, üvverall nur kölsche Tön.
Nä he süht et wirklich us wie bei uns zohus,
he fählt nur vum Balkon die Aussich op d'r Dom!
La la la lalalala ...**

Am eetste Ovend weed direk e Babekju jemaacht.
Et weed jejrillt, die Wööscher han m'r selver mitjebraacht
Mer drinken Cuba Libre un Sangriazum Schluß,
als echte Kölsche föhlt m'r sich doch üvverall zohus.

**Nä Nä Marie is dat he schön, üvverall nur kölsche Tön.
Nä he süht et wirklich us wie bei uns zohus,
he fählt nur vum Balkon die Aussich op d'r Dom!
La la la lalalala ...**

Am nächste Morje trifft mer sich öm zehn Uhr dann am Strand,
en Zeidung us d'r Heimat un et Radio im Sand.
Em zwölf Uhr jitt et Meddach, em Hotel is wärm jekoch'.
Ähzezupp mit Hämmeche jitt et eimol in d'r Woch.

**Nä Nä Marie is dat he schön, üvverall nur kölsche Tön.
Nä he süht et wirklich us wie bei uns zohus,
he fählt nur vum Balkon die Aussich op d'r Dom!
La la la lalalala ...**

Nohmeddachs öm zwei, do maache mir dann ehsch en Tour,
med achzich Mann em Bus un dat för paar Pesete nur.
Drei Stunde durch de Stadt, do kiste wirklich vill ze sinn
un Eines, dat es jetz schon klor, he fleje m'r widder hin.

**Nä Nä Marie is dat he schön, üvverall nur kölsche Tön.
Nä he süht et wirklich us wie bei uns zohus,
he fählt nur vum Balkon die Aussich op d'r Dom!
La la la lalalala ...**